

四庫全書

集部

欽定四庫全書

鶴山集卷十

宋 魏了翁 撰

律詩

次韻李參政壁見遺生日

六月不知暑湖風漲晚林憑闌追舊夢馳驛寄新吟
出入三朝意卷舒千古心感余不暇懶窓影午蟾侵
月暗書中色霜彫鏡裏年滔滔時易失落落實難傳信
已終遠俗隨人謾辱先輸他南閣老歌玉弄寒泉

幸有鶴山房圖書繞夢香
况慙聞道淺何苦為人忙
五斗米非分三間茅可長
何當重操几同踏古松岡

送王教授辰應之官臨邛

曠喜人從義理趨却憂未習墮浮虛
未通經術先談傳祇送人言不識渠
偶向擔頭覓桃李徑從紙上索鵞魚
君今去主師儒席後倦先傳謹在初

余既賦詩坐客請以唐人家花車斜韻同賦醉

中作五十六言

人生偶被浮名誤
徃徃貪程不識家
醉眼亂穿青草屐
狂心長戀碧桃花
舉頭大道平如掌
入鬢韶光轉似車
是乃吾憂今贈子
情親語直字敬斜

八月十四夜月用舊作韻呈諸友

鬢髮成宣面欲黎
逢人恥誦故年詩
才觀震象應知滿
未睹乾爻已識虧
止處光明渾在裏
偶然顯晦謾隨時
風光流轉渾閒事
要與知心結久期

應提刑

懋之

以十五日
和韻見示
再次韻

大圓垂象晚羣黎猶送昨宵畏滿詩要看天行嫌位亢
若言人事惡功虧離於正處原為利坎到盈中乃識時
疑我氷輪公賜厚敢申餘義副襟期

九月丁亥秋祀畢勞農北郊蘇提幹在鎔以疾

不往以詩見寄因次其韻

秋嘗事畢與賓遊神惠如臨不敢留騎吹一川松露曉
踏歌千里稻雲秋幽公堂上兕觥薦鄆使溪前經律諏
盡日臨民看不足歸從蘇子靜中求

李參政壁生日六首

已露明年造化機，便將六十四年推。
後天八八無窮數，一晝初生自此基。

歲月陶鎔兩鬢毛，坐看時事亦滔滔。
可能只袖區中手，鎮在湖亭讀楚騷。

八十蹢躅老阿兄，一窓風雨伴雙清。
武昌近日音書少，時聽湖邊過鴈聲。

瀉出清明醉眼醒，都人彈指祝前星。
憑誰提起源頭話，

治國齊家要六經

發面花開未果馴夏人兵馬薄熙秦誰將鞭策時隨運

十數年間日日新

分付諸兒自致身朝陽閣上看長春梅邊認得真消息

徃古來今一屈伸

次韻蘇和甫

在銘

雨後觀梅

歲寒賓友伴蕭蕭客氣無根已盡凋疎影照人騷夢冷
清香徹骨醉痕銷話逢理到春生座飲為心知月滿瓢

更祝天公多雨麥時攜樂酒酌芳條

海潮院領客觀梅

竹外蒲牢挂晚晴霜威洗出月精神山無此客林泉活
詩到茲遊景氣新原是當年郵縣北不知幾度梓州春
梅邊認得真消息徃古來今一屈伸

嘉甫弟生日

山居面接青天更把青天觸處看心事和平官職耐
家人順正室廬寬栽培桃李扶春意長養松篁伴歲寒

門戶千鈞今付汝書來時寄我平安

瀘帥曹太博叔遠生日四首

荔香搖艇下瀘川自別君侯十八年慰我調飢刻為歲
爭如兩日徃南田

天馬無蹤運四時試將六十四年推後天八八方來數
加倍無窮自此基

十年更瑟不曾調百載張弓未肯弢隨事提撕民受賜
寧論外服與王朝

聲聲聖門心事長悠悠客路鬢毛蒼東南人物寥寥甚
扶植斯文我所望

舟至合江度周卿正以詩相迓次韻

雨滿長空水拍疇荔香松色倚江流半窓燈火千年夢
萬里風波一葉舟謾道班卿若仙去誰知謝傅正同憂
西歸待我期相告橫被風師三日留

將至古渝虞憲

剛簡

以三絕同端午節見寄用

韻為謝

故山朱果恰離離
翠竹青蒲護衆菲
夢裏不知身造闕
閒隨白鶴照江衣

鬢邊憂緒已千端
誰喚扁舟下僕干
落日明船劍如電
勇心觸撥到樓蘭

蓬窓暑雨氣低垂
不記龍舟競渡期
詩卷打門驚節序
滿盤角黍正纍纍

萬州守潘

叔豹

拉登魯池觀荷花荔枝

密林和雨翦離枝
曲徑留陰切藕絲
自入渝涪山色惡

眼明見此魯家池

分隨猿鶴老隈枝
趨詔重來兩鬢絲
邂逅一觴莫辭凸
能禁二十載差池

和崔侍郎與之
送行詩韻

昔歲阽危日煩公
疋馬來人心成勝
執天理是良媒
抖擻精神集扶持
氣脈回黃宮
才一點有許到葭灰
軋軋度空明
懷人夢不成
蜀天隨處見
卮酒與誰傾
多事鬢毛改
長途髀肉生
隨流渾未定
鼻息滿船鳴

即席和丁夔帥

黼

送行詩韻

人生行止莫非天去國重來十七年學自孔顏期有是
道非堯舜敢陳前憂時正念梁甌缺視已當如趙璧全
若得時清身不辱儘教人道是登僊

眼明織翠剪新詩勉我當今尚可為知覺斯民知覺我
溺飢天下溺飢誰忘亨不管身窮達誼正寧論效疾遲
倒盡玉瓶談未了沙頭忍淚與君辭

和夔漕王觀之韻

開濟堂前送權歌淵淵船鼓伐靈鼉雲埋白帝千山小
浪拍青天一葉過邂逅天涯驚易別顧瞻水濟得如何
惟餘報國忠肝在鐵石云堅尚可磨

成都別酒幾何年再見江濤豈偶然胡不握蘭居紫界
却來轉粟上青天鵬圖海濫騫新味鴈斷衡陽感舊聯
國子先生書在笥願從熟路力加鞭

生日和辛江陵克承即席韻

有生同得本來公凜凜淵冰保降衷多愧行年稱有子

長懷當日謝無功
羈蹤不稱歌三拜
淺量難堪酒一中
飲盡玉瓶天地闊
不知身客楚臺風

笑語聲中別有天
巫雲楚岫玉明船
冷風入坐酒無力
斜日媚空花欲然
獵獵旗風猶夏五
搖搖帆影立秋千
他時輦路追今夢
儻許陪公髮未宣

李季允

臺作吞雲樓索詩和總漕韻答之

柵新飛觀走狐卑
樓鶴洲鸚賀此遭
整暇旌旗登截業
奔波舟楫笑噉糟
宅中平後規摹拓
燭理明時運量高

須信是間天地似詞人雲夢特秋毫

舉頭無語望天高有許功夫歲月惱萬竈貔貅仰膏雨
百年事業倚江濤雲橫紫邏憂千緒露立蒼生命一毛
昨夜西風弦月魄可能無夢到神臯

艤舟琵琶亭次福士張元龍以詩代柬韻

人生行止莫非天萬里風波一葉船時有賓朋慰牢落
寧論遠道困行躔

樂天未信果知天枉為琵琶絃繫船須識屈信常事耳

暑寒代序月移躔

楊仲博約生日

七月二十四日

平郊雨足蟹魚肥
遠水涵空鶴鶴飛
相對不知身是客
兩家兒女綵成圍

玉粹金渾好弟兄
向來馳譽鬢雙青
世間賢美寧常有
百歲三亭過一亭

任教寒峻著先鞭
儘使權豪素選班
縱謂我迂嗤我矯
箇中所負重於山

史倉使定之約登齊山自弄水亭過清溪橋至

壺天洞洞乃史新作或曰此即左史洞又至

華蓋洞翠微亭史使索賦

自分宇宙有江山獨覺新年勝故年水拍大堤人射地
路盤絕嶮馬行天松蘿冉冉開還密洞谷谿谿斷復穿
理道原來無隱爾人從紙上看天淵

李池州

關

和韻見寄再賦以答之

晨策隨鳥瞰屋山面前咫尺隔同年邛人自愛橘中樂

晉客驚逢洞裏天
行傍輜軒心半醉
坐看戟衛眼雙穿
西風一夕驚龍睡
撼取明珠出九淵

高不疑 斯謀與客登梁昭明釣臺李肩吾和前
詩見遺用韻謝之

籃輿輶輶度齊山
文獻風流數百年
遙想牧之歌晚月
門尋白也詠平天
只餘釣水梁臺在
未辨登山謝屐穿
多謝秋風吹好雨
如陪杖屨俯魚淵

十八日上壽退賜坐十九日貢院錫宴二十一

日紫宸殿御筵即事七首

珂繖搖心夢不成忽聽吏皂放衙聲吹燈撥火供晨粥
趁到皇城恰五更

嚴妝列衛啓宸居百辟滔滔若貫魚後幄宰臣先奏事
猶隨郎從立前除

有次鞭鞘陸續鳴赭袍當殿萬簪纓羣臣拜舞分行坐
十味肴羞酒五行

蹴鞠尋橦列廣庭吹絲按竹布前榮卿即朶殿渾無見

只聽時時萬歲聲

再坐猶餘四屈卮
筋驚肉痺股生胝
侍臣醉飽皇歡洽
更看終場角抵嬉

蛾眉班捲戴花回
遙望君王玉色開
畫楯諸班謝茶酒
尻高首下一聲雷

十七年間作外臣
重來三日齒嘉賓
天顏不減當年澤
點檢同朝共五人

和楊尚書

汝明

韻送蘭恭甫歸永康

夢遶秦祠月半稜歸尋岷嶺雪千層儻來富貴埵藏蟻
儘大科名筆誤蠅須驗家庭真事業更追簡冊淡交朋
他年再出為時用莫遣功夫似不曾

十二月九日雪融夜起達旦

遠鐘入枕雪初晴衾鐵稜稜夢不成起傍梅花讀周易
一窓明月四簷聲

十日夜聞風聲

雪盡冰漸涕亦晴布衾紙帳復求成卷書擬續前宵夢

一夜狂風撼戶聲

臘日同舍郎即湖上送諸葛吏部

安節赴湖北

常平次汪吏部

立中韻

繡衣銜命去祖帳為王留大舶滿青鏡寒雲明玉舟歲
餘宮事省蜡畢吏功休千古行藏意梅邊細講求

楊尚書

汝明

和晴字韻詩適趨部宿再韻謝之

靜將軀軫驗陰晴風雪中間玉汝成襍被今冬陰陰夜
更無刺刺耳邊聲

冬冷陰陰我獨晴
世間寒暑本思成
玉珂金鑰聲中睡
無限山林入耳聲

袁都官

甫

同前韻賦二詩一章問易邊賦唐律

二章索奏劄錄本

那得閒功詠雪晴
風光自解湊詩成
須知隱顯無非易
千古人心只一聲

一天西雨又東晴
喚作陰晴雨不成
朝睡著人渾未覺
鳴嚶枝上一聲聲

次韻楊尚書汝明立春

帽屋釵梁剪綵新
誰知井底及池瀕
只從陽月方中日
已作明年第一春

行玉盤中驚杜老
扣窓聲裏喚祈賓
扶持大道須公等
正恐鄉車未可巾

曾少卿煥約飲即席賦

深院簾旌畫掩門
海牛挂出好乾坤
日烘花影漲春膩
風撼柳絲明醉痕
極目翦來齊翠嶂
關心看不斷青原

明朝又逐文書去且盡今宵極意論

八月七日被命上會稽沿途所歷拙於省記為
韻語以記之舟中馬上隨得隨書不復叙次

二十首

片帆孤艇趁潮生隔岸平疇喚得應上到渡頭大歡喜
泥行十里是西興

紫幃青繖雜旗旌烏帽銀撾從鼓鉦導哄畧如州別駕
無人知是漢廷卿

未到錢清四易舟微軀兀兀任沈浮山陰境裏平如練
一夜安眠到越州

越州官吏出郊迎騎從香輿舍止明只把至誠將聖孝
堯眉舜目儼牆羹

御香三日出齋廬騎至城東下鑑湖瀰望湖田連蕩地
菱花面目半模糊

三十六源光奪鑑九千餘頃稻盈車何年使客徼微利
不管稽陰數萬家

先從攢殿拜昭慈尚想從容鎮事機九十三年神馭邈

架梳猶是舊裳衣

攢宮上設御榻茵褥枕衾帳如平生榻前有梳架設衣裳四帝則帶匣幘

帽絳鞋道服衫袴乃常御之服六后大衣帔衫襖褙袴常服等衣制狭小昭慈尤甚帝黃羅帳黃襖昭慈以當垂簾聽政亦以黃餘五后皆以乾紅昭慈大衣以紅番羅憲聖成肅諸后以黃未詳

次從祐阜至思崇

先昭慈次永祐上下宮次永阜上下宮終永崇次永思上下宮

謁之日以道便祭之日仍以尊卑得次

攢影俱分上下宮

攢宮號上宮影象號下宮聞

似八陵舊山水地垂西北聳南東

一位肴羞酒一卮祠官熏灌祝陳祠降升六拜焚詞罷

六日精神用一時

周官雖有墓為尸細考原非墓祭儀九十年間讐未復
陵攢雜用最堪悲

新婦尖連趙家塢憇龍山望上皇村若言此兆為前定
人事是非都不論

沛宮魂魄只思歸不道蒼梧與會稽帝后精神天陟降
寧分南北與東西

海邦氣候異中州襍被來時八月秋滿枕松聲眠月露

夜深仍與被為仇

禹穴原從一罅通禹陵原在亂山中

禹穴在今龍瑞宮號陽明洞天有崖

石微裂處指為穴志文謂開元龍見更今名龍瑞或謂鄉下別有禹穴為村民所填禹穴志即苗山今在大禹廟廟林梅梁其來甚古元圭不知出於何時定石為葬禹時下穴之石廟貌乃漢魏間所造然名曰帝大禹陵陵在最高峯草飲泉窆石皆如此誤却東遊太史公廟木蒙茸人亦罕

之側有大禹寺泉名菲飲其來亦古然泉淤濁無足取

吳會原從二郡呼今將吳會指姑蘇稽山當取舊經說

按職方氏東南曰揚州其山鎮曰會稽乃與衡陽岱嶽並稱志謂在縣東南十二里疑不止此舊謂周回三百

五十里禹穴難憑遁甲圖

遁甲開山圖禹治水得玉璽書於此吳越春秋引黃帝中

經云禹得金簡玉書字唐元白詩中皆信此說

千秋舊址益鴻禧

舊名千秋觀嘉定十三年賜名千秋鴻禧觀遂為士大夫奉號之祠敕

額祠宮盛一時遺蹟猶存賀公宅豐碑新敞越王祠

前廊

後廡皆刻越王封謚告

越臺雨壑壓層巔下有蓬萊鎮越顏拄笏正當秦望嶺

遶城總號會稽山

微之曾謫會稽居州宅詩聯畫不如繞閣煙嵐新雨後

滿山樓閣上燈初

會稽太守約重論邂逅新安共一尊

新徽守素郎中甫過此赴郡同時入

城遂同郡集

踏月歸來已丁夜又乘朱舫出西門

風順潮平日脚收錢塘江上遇中秋堂堂背月爭門入

要把平安報冕旒

舊例朝陵俱有期程往返不過九月歸即以名銜至閣門放見

約任千載逢大卿同王萬里楊仲博約汎湖任

賦二詩和其韻

滿目親朋似故鄉夢耶非夢夢何長春風坐上白雲屨

玉鑑光中明月璫酒到湖山嫌避避話逢氣類省稱量
謝家內集如斯否一味詩書無別香

翠舫青簾白玉舟風輕日淡相茲遊芙蓉覆地錦衾爛
楊柳雕空印篆繆月上酒痕渾未覺山撩詩思浩難酬
頗憐此會何時又相伴江湖歸去休

西叔兄生日

從渠冷煖廣文君發越春和別有根樂意融融兄及弟
慶流衮衮子生孫

只把農功作已憂不將歲事與天謀官修事舉文書靜
一室高眠粥似稠

上壽班齊日未升風廊露幙立公卿親聞商畧西南彥
爭說高家好弟兄十八日上壽未引班公卿以下待次于殿廡隔簾聞有稱高氏兄弟之賢者

花底班行錦樣明中間寧少紫青人更無入誦成都賦
擬抗聲來問大鈞

後殿侍立十一月十五追錄于此三首

禁城鼓鐸曉逢逢風滿衣裾靴滿霜守得門開騎馬入
又同承旨步脩廊

須臾陞衛儼成行禁蹕聲聲輦出房靴笏趨陪西府拜
却更絲履立東廂

奏事臣寮下玉階舍人承旨殿東來一聲門外無公事

皇帝還宮侍衛回

闕

臣僚未下殿朱衣絲履上東墀

闕

夏至日祀闕伯于開元宮前三日省中齋宿三

首

書生只慣野人廬誰識潭潭省府居獨坐黃昏誰是伴
紫微閣上四厨書

朱榮鉛砌拱都堂靜閣明窓爽主廊外省諸司西側畔
樞寮却在東廂

朝罷歸來政事堂衣冠切宇驚成行須臾排馬還私第
一片閒庭鎖夕陽

新繁縣禾登九穗嘉甫弟有詩索和

長官真是委邊嵬積累如山姓裏來認得兩間無二本
只將一念貫三材異形所感猶如此同氣相孚亦信哉
陸續功夫寧有已相期更驗漆雕開

講筵侍立

十二月二十一日三首

晨趨東殿侍天顏奏事班回帝輦還纔向內門需少選
諸璫有趣講筵班

須臾講殿報班齊拜罷東升一半西兩序公卿皆賜坐
史臣講讀右階墀

御前親賜密雲龍講罷分行帝在中起揖坐嘗還再拜
侍臣趨出輦還官

十二月二十七日宰執率百官請大行皇帝謚

于南郊曰寧宗紀事四首

騎至南郊曉色蒼
須臾陪拜儼成行
兩班吉帶羅朱紫
惟有齋官服冕裳

禮屬群趨上宰前
兩郎奉冊侍臣宣
壇前拜跪升煙罷
隨處羣工署奏篇

遇雨權將屋作壇
昊天神主位中間
吉凶異制令叅用
今古殊宜亦並班

却向慈雲嶺上還
梅花合道日籠山
馬蹄十里搖歸夢

疑在小園松竹間

和王太博萬齋宮夢中絕句


晴輕風冷凍寒重日生煙謾道中和節天顏正愀然

題洪崖安道人墳庵

當年過我兩安君白酒黃雞話夕曛
藜杖看山頭拍背
襖衣論事齒穿銀平生大面三間屋
客死洪崖數尺墳
身後更無錐可寄忍看斷鴈泊孤雲

題蘇文忠與鄧安惠西山唱和

春風吹牖上黃岡獨倚斜陽看武昌城郭山川幾興廢
祇留元祐姓名香



鶴山集卷十

欽定四庫全書

集部

鶴山集卷十三

詳校官庶吉士臣張溥

主事臣呂雲棟覆勘

總校官檢討臣何思鈞

校對官編修臣楊壽楠

謄錄監生臣莫漢

欽定四庫全書

鶴山集卷十一

宋

魏了翁

撰

律詩

入靖州界適值肩吾生日為詩以壽之

肩吾名地古誠州
明日聯車入界頭
草草三杯酌初度
恍如赤壁伴元修
滔滔今古滿雙鬢
納納乾坤歸兩眸
自有江山幾千載
頗曾有此主賓不

道亨初不關窮達身健何須問去留但願王明天地泰
此生長共國同休

王常博寄示沌路七詩李肩吾用韻為予壽因
次韻

誤隨煙艇武陵谿未見桃花路已迷雲掩九扉風露冷
又吹殘夢夕陽西

洞烟谿月晚來村白酒青魚旋捭豚納納乾坤元許濶
何須頭上自安簷

前村風日熟新秔尚記來時帶雨耕大化驅人人未喻
等閒文字過平生

竹外蒲牢敲晚鯨玉珂金鑰恍心驚斷章韓愈賒七字
臣罪當誅主聖明

兄弟親知各異方僕夫痛困馬玄黃惟吾臭味李夫子
不為無人不肯芳

湓浦猿哀杜宇嘯琵琶彈淚送人歸誰言蘇白名相似
識看風騷赤壁磯

金史卷之二十一
卷十一
來時華華漢三明浦雪江風爾許情今度王郎隔湘水
婪餘環佩玉璫琤

次韻樊武仲致政見貽

風引征衣墮古城手披榛棘上前京侍郎山下尋仙李
柱史亭前記老程
蜺雨蠻風鳶外落洞雲谿月雁邊明
驚心忽忽未全穩似聽於菟谷嘯聲

樊子詩來賀我遷潮黃風節敢云班長教下令流於水
豈願高名重若山霜過轉愁天宇淨夜寒空載月明還

須知不遇非余欲千載知言有辨姦

歐陽文忠勸老泉與善荆公老泉作

辨姦論以譏之了翁之遭遇亦云有感故也

次韻譙仲甫致政聞南遷見寄

夢餘不省卧山城猶記封章入殿榮
蜚雨蠻風喚蘇醒譙南殘點一聲聲

羣蜚逐食傍人鳴暝靄蒸山濃欲傾
世事滿頭歸未得片心直向日邊明

次李肩吾送安恕父回長沙韻

寒雲蒼慘跼鳶嘶野水冥濛倦鶯飛茅被紙窓長失曉
媿曾日日侍宸闈

冰力方剛風助威經旬足不到門畿可人安倩來相問
語極情生爵婁揮

忽忽郎馬度煙霏又指夕陽春處歸晚歲惟餘李夫子
夜窓書紙教元暉

自出脩門已及幾家人應賦柳依依苟無飢渴吾何戚
見說齊東未解圍

再用韻

規模廣大理精微
天末行雲鑑裏飛
莫把空言看簡冊
更知實理在宮闈

曉看紅日上霜威
夜按蒼龍連九畿
獨抱孤衷竟誰識
前山陰斂又揚揮

才資如子世應稀
自喜寒門女有歸
我被詞華幾陷溺
相期努力踐朝暉

春風被服駕雕幾
四牡駢駢得所依
逢快意時須緩轡

世間平地幾摩圍

肩吾生日以三絕為壽

俗學場中早掉頭一窓書卷古人謀東西日月自明耳
遑恤人間有喘牛

窮檐小市百年州淺瀨平沙萬古流天運人謀鎮如此
晚醺時上驛南樓

宇靜畫窓長似歲心清夏簟冷於秋晨間消息君知得
看盡區中浪白頭

送從子令憲西歸

弟兄親友劍南州別思如山浩不收
家問稀疎人迹絕眼前從子慰羈愁

茅檐竹几對床頭晨暮參商未渠休
寧用傳雲憶親友是身安健復何憂

古來明戒有弦鈎伯父胡為苦好修
累爾南來數千里我之自取爾何尤

自爾南來歲再周新功培養氣揚休
且留歲月須多益

歸妹愆期毋所憂

古人為學戒悠悠說命惟從務敏求識此味時那可已
更從來處驗吾修

弘毅規模本末周既難分付又難酬須知陋巷憂中樂
又識耕莘樂處憂

題南叔兄藏修閣息遊觀

南叔兄屬書藏修閣息遊觀嘗喜鄭君學記
注藏謂懷抱之修習也息謂作勞休止於之

息遊謂閒暇無事於之遊此義極精申為五
十六字以干指教

中存外習即藏修夙寤晨興此息遊要把孟軻三勿看
更將夫子四於求顏淵陋巷樂何事曾皙風雲詠不休
此意斯須不容離敢申鄭義儆悠悠

次韻黃判官喜雪

天馬流行澤上坤玉龍飛灑水邊村扶持農戶培邦本
排盪陰機立歲元遍地詩材供墨客通宵酒令屬侯門

卻憐赤子無衣褐仰面蒼蒼嘆少恩

肩吾生日三絕句

尚記聯車入界頭
廉安門外麥三秋
江山氣度依前偉
簡冊功夫匪昔侔

世厯嬴劉周典盡
經由孫沈古音休
更嗟書法開元壞
不易肩吾字字求

昔人年德位俱優
淇澳賓筵苦自修
學至百年寧有厭
勉哉三十六春秋

次肩吾慶生日韻

戊子

謾閱人間五十年年來道遠思悠然一心可使乾坤位
五性元鍾父母全為已工夫渾間斷滿頭歲月浪推遷
更無益友相扶植平地羊腸仆白顛

山中兀兀不知年但數前山炭火然人笑腰無金可佩
我忻脰與玉俱全聖賢面目畫三接簡冊期程日九遷
此事知心君有幾不妨相伴各童顛

題陳膚仲真希元詩卷贈蕭道士蕭善為詩亦

解鼓琴

手撥飛鳶上五溪
兩牛腰大送行詩
猶嫌言語無多子
古錦奚囊長自隨

吾廬几研半生塵
朋友相邀問保鄰
旅進羣咻渾易事
鄰家老子是何人

是間正位至虛靈
都把精神逐外明
勸子抱琴歸舊隱
亂雲深處認真情

肩吾生日

誰遣青龍日夜流
記經星紀已降婁
邊城恰匝三寒暑
初度聯翩四倡酬

力探上下三千載
行半東西二百州
有許英雄都忘卻
松窓隼几靜中求

餘晦越鄉別臨賀
郭君出竟送荊州
放麤心事人誇說
得似如今累歲留

次肩吾慶生日韻

己丑

男兒生世果何事
卜士詩之間史書
內美原非私正則

天曩豈但付胥餘滔滔大化亘千古職職羣生同一初
此事年來才信得從前浪走只成疏

我有憂時髮滿梳殷勤勉我用詩書情知分義如何廢
可使才能自有餘氣血漸衰多病後創夷轉甚數年初
夢魂慣識歸來趣長傍山椒擷稻蔬

次韻丁大監見懷

行藏去就各隨時敬怒嫌疏忍奮飛正怕霜嚴天宇淨
敢誇舟載月明歸生松有夢還公固化鶴何心駐令威

獨抱遺編看千古昔人歷歷未應非

見慣不驚如四時流光任逐鬢蓬飛日從南去老龍蟄
火向西流玄鳥歸荷子感時堂蟋蟀移書勞我室伊威
益嗟往日無良友四十八年成一非

次韻九華葉賓見思鶴山書院詩

天空地迥託吾廬何處山川不裕如太極光陰寧有閒
環中事業本無書道亨誰謂大人否夷陋不妨君子居
昨夢九芙蓉裏去起聞足到空虛

和虞退夫韻

七夕前一日

釀酒成懽似旅酌偶然邂逅得英游卻因樂極生良感
今夜蟾光照幾州

牛女河邊兩夾持前瞻箕斗後虛危經星不動原如此
自是人間空好竒

假拙濟姦真是拙認姦作巧巧何曾須知我自靈於物
一點光明萬古鐙

子益教授再用韻賦奕有審機從諫之誨某復

和呈

從衡膈膊競相酌俟擊羸行緯復游或把疑兵勝淝水
或乘猛勢失荊州

古人用衆水如持不為常安不慮危違諫伏波終自困
捍羗充國本無奇

才分雖殊學可能譬如泰華立曾曾居高視廣心逾遠
下眎羣峰如豆鐙

某曩在遂寧嘗賦木犀云茂樹幽花兀老蒼不

隨衆卉入詞場虎頭點點開金粟犀首纍纍
佩印章明月上時疑白傳清風處處看黃香
人才生世原如此不為無人不肯芳今十數
年矣偶憶前作未免兒戲用韻再賦呈諸友
洞煙谿月楚山蒼萬木辭林稼滌場老桂挾秋清入骨
明河倚樹爛成章城隅靜女閒逾美澤畔纍臣晚更香
若數秋花饒此品未容陶菊逞孤芳

某偶為木犀有賦遂蒙別駕諸丈光和盈軸因

惟晉以後名科第曰折桂兩無相關至近世
則又以木犀之別種有巖桂之名其實非桂
也遂併為一物輒為二木訟寃呈諸丈一笑
澹雲明露立蒼蒼不識從來聲利場晉士習浮輕興喻
唐人承誤轉周章高談天上兔蟾影卑擬人間龍麝香
犀桂自殊苦相累卻將榮進溷真芳

次韻中秋風雨中約客葉元老有詩

長雨頑雲處處山
泱泱渾不露天慳
魚鱗未兆心如醉

鴻雁闕情鬢欲斑月體晦明猶偶爾酒腸舒慘亦渾閒
只將愚慮酬佳節未必騷情不破顏

虞退夫生日

八月二十三日

尚記扁舟下古渝蘭芽秀茁媚庭除跼鴛聲裏驚重見
玉粹揚休偉丈夫

雍公匹馬立乾坤善念薰蒸到子孫富貴君家餘事耳
更將此念植仍昆

用真景元韻題豫章朱正父湖山清隱詩卷

乾坤爾闔着吾廬水繞山環仁知居君友東湖徐孺子
我聞西洛邵堯夫欲為天下屠龍手肯讀人間非聖書
聊借斯言相贈勉樂顏之樂即顏徒

次韻虞退夫除夕七絕句

太極光陰不計年聖賢千古此周旋九夷自陋吾何與
長在回瓢點瑟邊

從渠滿腹貯千年遮莫揮毫動百篇入到聖門無一事
東西日月自行天

將軍元自敬延年明主何曾棄浩然自分康時了無策
故山多少未芸田

已是秋陰誤有年泰交倏忽震乘乾阿香夜夜驚春夢
推出新絲上鬢邊

長嘆熙豐祐聖年偏輕偏重幾翻船誰能裝載停勻了
多著男兒盡力牽

又嘆崇寧宣政年無端亡虜誤開邊誰能為我懲前轍
早挈江山入舜甄

虞倩思親感歲年歸心巫峽暮雲前
乘逢逝水那能料
靜倚閒雲看大川

用張子益教授韻送虞退夫西歸

子已江頭戒櫂郎
卽須何事未乘方
須知此意關時數
不為斯人自肺腸
白傅徒然泣商婦
毛生豈解出王嫱
卽雖不敏真知得
為子臨岐酌一觴

嘗為趙太社蕃作章泉二字及匹紙寫詩二十
二首趙一再有詩因次韻

易象於坤必有章泉翁此義發天光離趨外卦文加質
乾伏中爻絢覆裳欲驗吾心觀習坎誠知是理識歸藏
公詩謝我祇成辱敢復從公質寸長

幾度詩來傲謬悠懷人應念水三州寧希太白懷金馬
忍効靈均騶玉蚪上帝汝臨毋敢貳中心如噎本何求
狂言又被公挑撥知我惟公不我郵

題趙昌父太社寄桃源何道士

八十六年彊健客求余判斷二蘇詩年來點檢室中事

問着鄰家總不知

題羅年能愚六友堂

羅氏堂中六友圖要求紙尾數行書若於此味真知得
着甚言詞乞與渠

次韻靖州貢士鹿鳴宴二首

何處何時不產賢黔中故地夜郎天雖云地脉原無間
欲破天荒未有先萬蟻場中春鎖棘九賓庭下曉鳴鞭
便將正學昭羣賸留取科名萬口傳

豈但詩書對聖賢須知屋漏與神天設科雖較詞章闕

次韻王常博題贈江陵樂德佐

繆予甘遠屏分表得生還夜雨滴歸夢曉霜彫醉顏角
巾吾故里璞玉子荆山又作無期別扁舟上峽關
三十有三載好風吹又來清堅霜後竹冷澹雪邊梅世
事憂千緒家山腸九迴江頭一樽酒烟雨暗章臺

題峽州三遊洞

洞前日日客維舟
短詠長吟汗馬牛
名迹都隨形氣盡
惟餘元白幾人留

可恠忠州與虢州
偶因起廢得茲遊
蘇歐諸老亦何德
千古聯芳未肯休

和虞退夫見貽生日詩韻

芙蓉布葉亂田田
尚憶前年對二賢
今度觀亭人獨立
一江風月自相連

路人笑我此何觀風颭渠江萬頃寒
歷歷聖賢心事在
從渠把作畫圖看

九十九峰江上山乾坤爾濶我中間
此心頓着秋毫愧
久矣顏衰鬢髮班

虎豹當關路險艱家人占鵲望予還
四方蹙蹙還何許
家在西南山外山

范蔣諸賢友義申肩吾見說倍精神
年來人物寥寥甚
更憶浦城人姓真

和蔣成甫見貽生日韻

窓外浮雲捲帝青
腰間流水卧青萍
發揮孔孟貞三代
補葺嬴劉破六經
理義本心如皦日
詞章末技謾流螢
獨嗟弱步躋長阪
百歲期程過五亭

尚記春風酒滿衣
數旬客館掩空扉
雙鳥念哺歸難忍
斷雁辭行礙不飛
正念縣弧成底事
有來連錦爛生輝
亟哦七字酬佳贈
歸櫂瀟湘水正肥

次韻和常德袁尊固監丞送別四詩

八月十日

試把行藏為子評只知盡分敢微名出如有益殷三聘
用不能行魯兩生此道古人如飲食後來竈婢或猜驚
子雲亦號知書者猶把商山作采榮

孔訓原無實對名只言為已與求人能知管仲不為諒
便識殷賢都是仁義利兩途消處長古今一理屈中伸
自從聖學寥寥後千百年誰信得真

別來歲月爾滔滔流落天涯忽此遭萬木辭榮秋意澹
百川歸壑岸容高笑看海上兩蝸角間禿山中千兔毫

若向顏曾得消息直須奴僕命離騷

夕陽春處是吾家水繞山環路轉賒
蹉蹉四方渾未定茫茫大化渺無涯
歸來已恨十年晚老去空嗟兩鬢華
各願及時崇令德萬鍾於我本何加

鶴山集卷十一

欽定四庫全書

鶴山集卷十二

宋 魏了翁 撰

律詩

用蔣成甫韻賀虞退夫生子且以相名之

秦雍孫曾尚典刑只將一念答天明
震雷殷地勾萌達解雨鳴春澗谷聲
階玉正看聯羯末羸金安足擬賢成
相門為我成宅相我欲將兒以相名

虞退夫生日

人情處約久斯渝子把膏腴氣習除肯向縑緇遷事業
要尋屋漏實工夫

初度重逢巽上坤庭闈應念子生孫好將吉語傳金母
更把歸音報玉昆

十一月九日新灘李

闕

示余開禧三年四月九

日所跋外舅楊憲使灘字韻詩為次韻

憶從筮仕歲浹灘三十餘年閱暑寒撫事無成日潦倒
懷人有夢涕汎瀾家山擾擾膠膠裏廟社譖譖出出間

欲上青天愁險絕誰能為我斬樓蘭

建士施震高自夔以詩相迓

三峽雲連白帝城風波九死得餘生
虎頭狼尾亂流濟
猫面馬肝緣壁行中衍何妨需在險
心高但見坎常平
況逢詩友慙勲問寧復窮途哭步兵

過虎頭狼尾灘避險出陸至譚晉仲故居有謝

公昌國劉公德修薛公仲章詩用謝韻有賦

尚記翩然下帝傍七年纔入屈公鄉
山銜西日去家近

風遞北氛吹袂涼
新事感傷心力短
舊交零落話頭長
況堪劉薛吾師友
黃壤堂堂閼夜光

紛紛操畧入山林
我自終朝不獲禽
遠物只知肥遯利
窮幽不問浚恒深
畢逋啼日滿荒戍
款段行雲供醉吟
宇宙窮空歲遲暮
平沙獨立數寒金

書所見聞示諸友

萬州岸下

行到青天最上頭
蜀人爭看錦衣遊
誰知一夜北風惡
吹起家山萬斛愁

聞說奔軍闖閬州餘州民潰去如流親曾見虎誠堪怖
只為狐驚亦可羞

一從輕棄五邊州所恃藩籬僅武休又謂武休無足恃
併捐洋漢守金牛

金繒啗敵已無謀况恃空言廢內修師卦在中惟九二
曾聞帷幄授成籌

死城陷陣已長休捍敵鳩民亦漫憂局外閒人倚江立
全軀保室信良謀

次韻虞退夫除夕七絕句

蜀人誰不望西還
何事天公獨我慳
兩度來逢單闕歲
腥風血雨滿人間

誰驅斗柄向東遷
漸喜新年勝故年
歲緯移躔東井外
狼星斂角左參邊

是滔滔者竟誰歸
有酒盈卮不暇揮
待挽長江洗兵馬
盡還草木舊晶輝

雲外銜山日半環
傳盃共惜片雲懽
莫疑來日是來歲

萬古光陰只麼看

幾度將心安處安有時終夜起長嘆年來識得安心法
否泰原從隨蠱看

人到渠陽爾嶮巇艱在彼我何關却從楚澤寬平後
彫盡從前鏡裏顏

明朝同上四賢山要與羣英盡日還認取鈎深堂上意
春風曳曳鳥關關

用樊武仲致政餞黃戶部

七載賫身入楚鄉誰將平坂喚羊腸覺來親友渾依舊
觸處江山不改香正引德星成勝集更忻郎宿下垂光
人生行止時為大膜外浮榮蟻穴忙

次韻荆門張守寺簿元簡見寄詩韻張守以制
司請民築城申朝廷制司繳納告勅不願仕
不把離憂寄楚辭絕嗤致邑請臧為日纔北向夏長至
火未西流秋變衰消息一機川水逝詘信二氣蟄蟲知
多君識慮超餘子我亦年來管自窺

書來寄我賦歸辭
諒子知其不可為
戢戢牛羊芻牧隘
磬磬鴻雁稻粱哀
有飢有溺已飢溺
後覺後知誰覺知
細玩海州三奏稿
前賢風味儼重窺

六月十四次韻樊武仲喜雨

誰信夔夔解感神
嚶嚶赤子母心熏
為將一滴翻瓢水
散作千家舉雨雲
大化無端長寂寂
衆形有欲自芸芸
更須盡挽天河水
亟與三邊洗惡氛

送楊子有赴叙倅用高榮州韻

俗事縈人阻四并東郊又送屏星行欲安邊圉原無策
善服人心只有清使馬如羊非我愛帶牛佩犢豈其情
非惟此意行夷狄讒舌雖工亦絕聲

長女生日

十月晦明
日冬至

相逢猶記度瀟湘旋理衿纓旋理裝
婿見舅姑纔識面
明朝馬首上渠陽

蜺烟蠻雨鎖窮荒寇焰兵氛返故鄉
誰信夢回人似舊
青衣綵服儼成行

兩地爺娘正健強
門楣況是得安詳
七年重會非容易
且為新陽釀一觴

送李蒲江歸簡池用高榮州韻

尚記春風黃栗留
明年春又到鉤輈
會疏長作去時恨
年大能禁生別愁
言偃得人行不徑
繆公受責俾如流
願將二語為君贈
更願開誠學武侯

北郊勞農歸路五十六言

方春不及與勸農
十月郊行勞歲功
因記旱雲占晦蓋

音更愁霖雨望瞳矐田苗粒粒祈禳裏民命絲絲歎恨
中憂國願豐雖我志更須人事與天通

安總領生日

猶記仙翁護玉關
阪圖半壁手提還
每驚蕩潏風波後
多謝經綸父子間
元是爛柯觀已熟
故應當局祇如閒
幾人錢穀鞭中老
雙鬢何曾點一班

祝公不作語啾啾
陛下憑公釋顧憂
往誤回堪成鐵錯
後圖猶可保金甌
飲江共喜無胡馬
屯渭懸知有木牛

虎也膚公康是似願歌江漢美宗周

楊尚書生日

汝明

幾許中和釀此身秋風江上玉精神性姿無忤水行地
富貴有緣花得春閒處逍遙欣佚老會朝魁艾正須人
絕知雲滂龍淵濕莫倚晴江把釣緡

三邊頭緒正相尋雲氣模糊尚積陰已喜龍荒通漢使
更須帝夢起商霖功名本自於人薄家國相關此念深
共指岷峨祝公壽鬢華未曉曉霜侵

李制置生日

玉堂人在玉堂山公論推排授將壇朔壘令嚴精采異
甘泉烽息顧憂寬北邊舊歎無頗牧西賊今聞有范韓
夏屋不知幾崇廣喚回春燕下林端

披荆重立小朝廷風遞南薰入扇中大勢已憑天祚宋
中興更賴嶽生申扶持命脉還吾蜀消息精神運此身
人願武公歸入相我祈河內且留恂

魏茶馬生日

南渡波流蕩，滴中紹興御史最清忠。
和戎二字排時論，用世諸孫尚祖風。
彈壓峽江羣嘯靜，指揮邊市虜資空。
盛心未必榮三錫，且喜朝廷荅有功。

浪誇京洛漸塵清，局面今翻第幾枰。
須寄玉龍擎重任，暫依金馬作長城。
時人共記維寅度，陽畫元從建亥生。
試向後天推八八，吾宗卜數萬為盈。

遂寧家知府生日

玉堂元不閤英靈，地主還從此地生。
千里樓高人獨立，

九宗山峙月雙清洋洋水薤臨民意獵獵霜林戰葉聲
如許高情誰與擬玉梅枝外看參橫

相去無多五日間兩家牛酒賀生賢二陽引類臨爰長
三壽為朋泰茹連析木旁瞻星兩兩大椿遥祝歲千千
相期協力亨屯難未聽絲絲鬢髮宣

潼川路施運判生日

家聲熒熒自乾淳王謝門中着此身金碧池邊金碧使
玉山臺上玉山人都將奕葉芝蘭味散作羣州桃李春

應記西陵分手後枯棋一局幾回新

朔吹號寒凝不禁地雷應合戰羣陰悠悠未快功名手
渺渺誰覘造物心三壽作朋剛已復二陽初動卦為臨
經綸及此身强健插額青絲雪未侵

瀘貢士二十人端平元年手書增郡國貢士員
瀘增二人是歲貢于東西路轉運司者各二
人以五月庚戌合寮吏宴于郡之正衙歌鹿
鳴以遣之

皎日中天萬國明恢恢賢路慶端平月正元日下書詔
二十六人登姓名西澤射陳狸首節東廉歌奏鹿鳴聲
謬侯何幸身為駕要示周行玉女成

天地中間着此身合將位育入經綸陰陽固自生成我
爵祿安能富貴人利欲當權心退舍詖淫得路俗迷津
諸君自此騰驤去願以先知覺此民

送李季允赴召

擁馬懽呼夾道迎詔書洛社起耆英史筵載筆聯翁季

政路題名接弟兄新政期公皆一律故交惟我得忘情
正邦須自明倫始要仗公開萬世程

一傾鼎否一番新但見新人笑故人元祐至今迭更化
崇寧以後幾權臣曾趨嘉定改元詔又賀端平第一春
長把人才留一半今年新是去年陳

是是非非各有心以同為愛異為憎誓殺秦穆旋修怨
在莒齊威卒震矜事急求言常易入位高從諫最難能
願公一破從前陋萬里無雲皎日升

李尚書被召過瀘臨發之日官吏以行香日分
追送不及明日尚書自合江詰後期次韻以

謝

黃雞喔喔丑時催擬效張侯夜半來殘夢方隨僧梵去
拏音已聽客帆開江臯望極空留恨陛下憂深正急才
已賦明倫相贈勉更思桃李及時栽

題外舅提刑楊大夫墓

追思初攝大夫車得助堂前見舅姑三十三年歸夢枕

一生一死隔黃壚時危剩着人間我境換遙憐向者吾
伯也叔兮今已矣誓偕仲季勉終圖

嘉泰二年題資州醮壇山星斗閣至是同王資

州其然賈大安子湜楊李持成子諸公登山

用前韻

三十三年去復還行將重踏舊江山青衿朋友子當戶
綠幘奚臧霜半鬟羸得光陰歸鬢裏悔將聲譽落人間
聖門事業無窮已只問君王覓退閒

天運團團任往還莫將止處認兼山水歸寒谷斂秋練
木落前峰明曉鬢天度已歸參井後日行又值斗箕間
若知此處真消息血氣浮名總是閒

制置丁少卿生日

皜皜凌霄獨鶴飛九芙蓉裏爛生輝青陽少府舊弓冶
白石先生新杼機閱盡世紛磨不磷聽渠公論是耶非
恭惟陛下方親政小卻猶應伴紫薇

蜀道今行第幾回天西玉帳又宏開鶴歸華表人如舊

龜放長河獨再來
屈處觀伸霜後菊
消中見息雪前梅
瀘江不解西流去
引領長流酌斗魁

次韻丁制置遠迎三絕

錦里論交三十年
浮筠大玉透中邊
投荒已作無期別
夢覺依然墮我前

喬松挺挺百年期
霜雪無端頓繫之
一點陽和消不斷
春風又長歲寒枝

谿瘴蠻烟隔市朝
十年山徑長蒿茅
好風吹送知時雨

生意洋洋大國郊

寄題李季衡東樓

前年呼舫下玻璃
突兀新樓闖目圍
雁影已隨流水去
鶴歸空感昔人非
曩遊歷歷夢中似
往事茫茫知者稀
幸有季衡風味肖
何當倚檻語朝暉

題王巴州震傳經樓

金媻充儲書滿家
到無言處奈書何
九經文字未曾有
三代聖賢如許多
直自話言空布滿
却嗟人物轉消磨

有來訂古談經者試把斯言為切磋

恭和聞喜宴御製

祖宗德澤被生民列服山川各效神幾見高岡鳴鳳集
又看層浪化魚新升歌幸聽三章雅佩印行紆五兩輪
聖世賓賢如此厚致君忍負不貲身

題余氏聚遠樓

若向天機識得親是間看不盡青春須知聚遠惟方寸
說與樓前望眼人

將作檻栽竹徐直翁清叟俾予書植賢亭三大
字以詩見貽

烈日嚴霜忍挾持孤標皚皚肯隨時笑看世上閒桃李
一夕狂風失令姿

氣端解使四時清萬物彫零獨典刑嚴子高風扶漢鼎
包胥勁節撼秦庭

客夢時時遶故山夢餘喜見玉屏顏徐公本自無通介
自是時人醉眼班

夜直玉堂

金鑾坡上疏開邊夢也非與三十年世事塵埃緣手盡
正邪二字在遺編

金羈玉勒錦籠羈重上鑾坡鬢欲宣且喜晨趨無媿色
更忻夜直得安眠

四月癸巳發潯陽館過濂溪飲於杏溪謁清虛
庵宿太平宮

旌旗陰裏盛傳呼春夢纔醒一事無草草山肴話朋友

依然白鶴故時吾

多少濂溪生並時兩程夫子詠而歸須知宇宙何曾隱
魚自川游鳥自飛

欲識真人千古心療飢獨有杏成林豈無世上閒桃李
欲使人從實處尋

步自清虛過上宮千言萬論總談空擬將一語隨人後
嘗與心謀不肯同

又過前溪訪梵宮人言此與老莊同是同是異誰知得

擬問山前無極翁

丙申携客自康王觀東北行十里觀谷簾泉

正喜昔聞今見之
泉稱第一更何疑
此心好樂先為主
但見忠謀皆我欺

筍將軋軋度巖隈
亂澗穿空去復回
方識世間真毀譽
只緣親到地頭來

題歸宗寺

憤憤深源與會稽
識時惟有一義之
千年誤作能書看

謾說鵝池與墨池

青玉峽

一派泉聲萬古懸
觀瀾嘆逝意悠然
須知大化無窮已
莫賦銀河落九天

萬杉寺

萬杉深處著吾廬
中有昭陵飛帛書
想象承平心似醉
小亭佇立看跳珠

三峽橋

英雲皓雨瀉明蠲題作人間第六泉擬把谷簾從黜降
却將此水為超遷

鶴山集卷十二

欽定四庫全書

鶴山集卷十三

宋 魏了翁 撰

表牋

漢州到任謝表

六年去國荐叨趣詔之嚴三命循牆實獲便麾之請幸
將親之有所荷從欲之無違祇服恩靈罔知稱塞伏念
臣稟資愚戇涉學迂疎偶奮迹於儒科遂饗榮於朝蹟
尋被禁林之給札以階蓬省之讎書屬疆事之方殷沮

權姦之輕舉雖公孫丞相發蒙耳如尹氏太師不平何
懼久居中亟求補外未書乘郡之績兩奉賜環之音干
時多艱遭家弗靖神雖馳於魏闕身重去於親庭冒貢
忱衷果回淵聽乃荷分符之寵靡拘反汗之嫌臣所領
州今曰望郡旁接涪潼之境中居梁益之間民力漸殫
詎催科之敢急土風微獷尤教化之當先顧臣何人蒙
國分寄茲蓋伏遇皇帝陛下恭儉修己緝熙亶心三后
在天動遵成憲五年更化行底康功猶邁東於班聯俾

承宣於郡國臣敢不益堅素履仰體睠懷視民如傷冀
發施於仁政行已所學尚對越於天威終竭微誠永酬
親擢

被旨兼權潼川運判謝表

謬陳時臬負且乘以奚堪攝領將輪祝代庖而有覲處
非所據愧甚於榮伏念臣猥以陋儒躡將隆指察庶獄
小大之比酌常平歛散之宜共二以來無一可紀曾謂
漕臣之久曠又塵睿旨之中頒垂三組以聯榮對兩臺

而兼治重惟飛輓之置使豈惟期會之攸司崇學校以厲賢持銓衡而選吏茲惟重寄併及菲材雖暫假於須臾亦靡皇於進退茲蓋伏遇皇帝陛下位無輕授爵不濫施念臣洊領於州麾粗閑政術謂臣久司於臬事尤習民風且俾攝承以須選授臣敢不恪共明詔遵奉察條無子路兼人之能自知甚審雖叔孫一日之暫必葺為期

潼川提刑司賀瑞慶聖節表

帝暉御極受羣臣十月之朝邦獻同心歌天子萬年之
雅上儀載舉美報維均恭惟皇帝陛下遠纘九皇近繩
三后仗歷年之堅忍洪濟艱難憑一念之嚴恭潛銷早
暎將以垂鴻於億載豈惟歛錫於庶民臣奉職遐陬傾
心宸極以介景福既稽首以揚休克共明刑將祈天而
永命

潼川轉運司賀瑞慶聖節表

維十月之良月爰啟休符紹三王之顯王誕膺景命於

惟邦慶允洽民懽恭惟皇帝陛下淵嘿九重仔肩一德
匪從耽樂文后之徽柔懿恭爰究劬勞宣王之還定安
集方歲行之在子正帝立之當辰率時有截之區逌續
無疆之筭臣暫司漕事喜選昌期為天下君既備箕疇
之福使聖人壽願伸華祝之辭

潼川提舉司賀瑞慶聖節表

三代有道之長篤生真主萬年受天之祐載紀休符叶
氣龐洪函生闡懌恭惟皇帝陛下適祇祖武迪畏天明

寒暑平而三光全陰陽和而萬物得式歌長發胥慶誕
彌奠二氣以維和域八荒而俱壽臣有嚴司庾莫克揚
庭舉百世莫能違斯道聿同於平準長上古不為老至
和祈轉於洪鈞

潼川運判謝到任表

攝官承乏無補將輸滿歲為真誤叨申命撫江山之維
舊悅雨露之更新伏念臣自歷試於外庸遽躡乘於使
傳且庶獄小大之比與常平歛散之宜揆以短才一之

謂甚胡然誤東二者得兼矧漕寄之所關於坤隅而尤重豈簿書之是務抑澄按之當先況建學立師將助秩宗之典而量能授職又分選部之衡自昔假名已慙代斲于今即拜寧不疾顛明時何至於乏才使指豈難於改畀不圖華選洊及寒蹤茲蓋伏遇皇帝陛下恪謹身脩適祇天顯亶知人之堯哲民欲其安推明物之舜仁務先所急致令庸陋猥備馳驅臣敢不遵奉察條敬共明命土風里俗既盡得於諏謀王澤國章尚勉圖於宣

布

直祕閣知潼川府到任表

角巾故里慨夙志之摧頽皂蓋東藩誤清朝之東記申
畀木天之舊直式華土地之新封得之若驚望不及此
伏念某賦姿蒙鈍莅事闕疎既躡玷於讞平俄謬將於
輦轉方渡瀘之有命遽陟屺之纏悲興言初心寧復榮
望矧時多故為吏滋艱鄰疆煽燎之方揚民力張弓之
未弛承流之始圖稱無能茲蓋恭遇皇帝陛下畏迪天

明惠綏黎獻謂臣歷將使指或土俗之粗諳念臣荐擁
州麾必民情之熟察特令宰郡以便起家臣敢不祇適
訓詞誕敷德意弭艱恤隱俾田里無愁嘆之聲旌淑禁
非以庠序申孝弟之義力行已志上報主知

謝周程三先生賜謚表

大儒輩出卓為正學之宗下使周諮敢舉尊名之典俞
音才既善類知歸臣竊惟聖道之晦明實兆世途之理
亂自義皇發河圖之祕堯舜謹道心之傳粵商周受命

之初凡誥誓羣言之首必論降衷之性必明為物之靈
至若箕子陳九疇以敎民彞周公設六官以為民極君
陳以大猷變民厚君牙以五典示民中尹吉甫作秉彞
之詩劉康公開受中之訓蓋賢君令辟之所以教而羣
公先正之相與言皇王以來不謀同符春秋而降幾絕
如綫極於六藝之作與夫七篇之書孔欲無言孟豈好
辯凡以扶天理而遏人欲傾時否而康世屯而權謀競
興邪說又作詞華代起科目相捷雖董仲舒嘗求仁於

道誼功利之分而諸葛亮亦鞠躬於成敗利鈍之外洎韓愈之卓識喟孟軻之無傳然一傳而衆咻獨倡而寡和斯文不墜神氣有開挺生豪傑之同時尚友聖賢於異世自周顒圖書之既作而程顥兄弟之相承雖幽極鬼神實驗於躬行之近雖窮探性命不離乎日用之常未嘗躡等以好高大要近思而退省豈獨振千年之墜緒殆將開萬世之升平而從祀之請未俞節惠之文尚闕藐是庸虛之跡偶塵勸學之司籲天有聞踏地無措

敢意奏篇之再遽蒙錫命之三速戒攸司各頌美號茲
蓋恭遇皇帝陛下邁祇元命駿惠帝猷念大道之湮微
賴諸儒之扶植今美謚既先於後學而褒章未被於前
脩莫標倡道之源亶謂彌文之曠特章好以示俗不以
人而廢言事光流聞時謂剏見臣謹當誕敷丕訓敷俶
羣倫明正道道民開示君師之意使先覺覺後維持天
地之心善人浸多斯世永賴

立皇子賀皇帝表

聖謨密運哲嗣明登仰遵二祖之已行不待羣臣之屢
請官占胥叶師錫允諧恭惟皇帝陛下迪畏天明遙祇
先訓言念承祧之重肇開燕翼之祥皆文王孫子之本
支允大漢山河之帶礪遠承藝祖喜無疆大厯之歸近
考孝皇均有道曾孫之慶某濫分地守阻覲庭揚定大
事決大謀既篤家邦之祐聞正言行正道願觀師友之
功

賀皇后牋

禁中決策為天下以得人海內同心歌吾君之有子母
儀既奠嬪則用章皇后殿下配日照臨承天亭育遠參
任姒蔚彤史之徽音近法曹高著椒塗之令則仰贊皇支
之議俯寬漆室之憂臣猥以遐藩親逢盛典自家刑國
既覩交愛之功求賢審官更懋相成之志

明堂大禮肆赦賀慶成表

宗祀以配上帝既訖崇儀歛福而錫庶民爰敷衛術函
生閭懌率土歡呼恭惟皇帝陛下淵嘿無為嚴恭自度

茲歲行之在己而日吉之維辛震堯侍祠鼎烹享帝垂
恩隤祉不遺輝翟之微盪垢滌瑕式霈風雷之令臣叨
居遠服喜邁昌期想卿士之奉璋駿奔靡及陪老癯之
扶杖宣布惟勤

賀受寶表

恭覩詔書以來年元日受寶文於大慶殿者明命誕膺
披地圖而數貢遠人咸慕奉天府以効珍播告維新奉
安有恪臣聞方物雖昭德之致寶鎮則為國之華得古

印於咸陽哲廟所以成太平之治獻元璽於興化高皇
所以開再造之符然蟲書尚襲於秦遺而螭紐猶沿於
唐制矧茲舊物至自殊方遠參乎嘉祐之文申述於元
豐之日圖書具在檢玉偕來昔鏹采中原殆似魯弓之
未得今觀光上國咸歆趙璧之全歸於昭受命之符光
啟中興之運恭惟皇帝陛下聰文稽古神武御時山東
三十餘州復行王化河北二十四郡喜見官儀歸疆來
涖於職方執玉宜歸於典瑞肆卜大朝之吉聿修誕受

之文景光流聞時謂叔見臣心存闕北身滯周南握乾
符闡坤珍幸際興隆之兆畏天命念祖業更觀保右之
申

賀皇后牋

天扶興運將盡復於故疆地極幽荒自來歸於舊物慶
均八表化始二南臣竊惟趙璧之言還豈但魯弓之書
得由元豐而來百四十載爛其款識之新迨建炎而後
九十五年覩此會朝之盛於赫皇靈之暢爰覘內治之

修恭惟皇后殿下儷日齊明承天載物無為而治率賴
於虞嬪有道之長本資於周妣顯膺眷祐用獲休嘉臣
謬守遐藩恪承詔綍披皇圖而覽帝藉丕昭受命之符
頌君德而舞后功遠想克庭之旅

元日受寶肆赦謝表

効珍絕徽爰開受命之符班朔正牙式霽昭天之澤皇
歡四洽輿誦一詞恭惟皇帝陛下命於帝庭奄有方夏
堅好生之一念得多助於兩間眷言寶鎮之維新實我

襲藏之自舊由元豐而來百四十載爛其檢識之文迨建炎而後九十六年昉此會朝之盛肆商大賚胥錫羣元臣屬守遐藩親逢盛典嘉與堪輿之蠢植咸欽廟社之威靈民勞汙可小康願益思於先備寇滅誠為大慶宜深軫於後圖

代宰臣以下賀雪表

銅渾考象適當七日之初陽瑤域闔祥爰叶三登之嘉運皇歡允洽民氣用諧恭惟皇帝陛下迪德寅恭儲神

淵靜駿惠累朝之烈躋登必世之仁天地中間感至誠而叶序霜露所墜聞盛德以來庭方一爻震動之初正萬彙咸張之日迺彰農瑞式見天心臣等幸睹休符與霑美澤七稽八證既未占而有孚十雨五風將自今而至後

代宰臣以下謝賜喜雪御筵表

雷在地復誕宣五穀之精雲上天需肆秩羣臣之燕禮嚴卜晝書喜有年恭惟皇帝陛下寅御丕符參侔真宰

不待禱祠之事夙膺保佑之申當五陰一陽之爻應陸日七分之候至和攸被上瑞來臻雨而雨暘而暘得上下同流之妙食云食坐云坐極君臣相說之情臣等忻聞鳴鹿之三莫稱嘉魚之什為民上而樂與人樂竊陋齊宮之遊思天下之飢由己飢敢勵虞庭之志

除權工部侍郎謝表

二年載筆久希間館之遊一日除書忽忝事官之貳固辭不獲重拜徒慚竊惟百工雖殿六職然而辨陰陽五

材之等將以順天地萬物之情在虞廷至重而不輕至
周典偶遺而莫考相承近世服在邇聯是惟侍從言語
之官匪直伎巧工匠之末肆嚴厥選俾介攸司如臣者
奮迹羈單稟姿疎直惟知上不負天子下不負所學亦
謂大將行吾道次將行其言然瓠落而無所容液滿而
不適用數上歸田之請宜從置散之科忽疇左城之舊
勞俾列中臺之末屬欲行或止當黜而遷茲蓋伏遇皇
帝陛下惠綏民岩迪畏天顯謂善類乃興邦之命脈而

直言為有國之光華特施培養之仁以茂纂承之烈致
令宜去亦誤留行臣謹當祇服訓詞益深操守獻納論
思之責毋替夙忠進退去就之宜尚期終令

謝皇太后表

柱史分輝久叨徧厯事官命介忽誤優遷拊分奚堪歸
恩有自伏念臣奮身孤遠涉藝淺蕪先帝臨軒之初策
諸前列嗣皇謀廟之始擢在左坳但知斷斷以首公不
鮮盱盱而隨俗雖寸長之粗見亦衆毀之所歸會有采

薪之憂莫施橫草之報惟祈閒廩以佚病軀既屢觸於
報聞又恍驚於超拜雖處之伎巧工匠之職實號曰言
語侍從之臣班聯浸高責望逾切顧控辭而莫遂徒震
懼以靡寧茲蓋伏遇皇太后陛下母儀四方子育兆姓
夙有求賢審官之助用開詒謀燕翼之仁凡今要近之
臣皆昔封培之力有如孱瑣例辱眷留臣敢不益勵初
心以裨新政獻納論思之責罔替宿忠進退去就之間
尚期終令

復元官職宮觀謝表

七年流落幸全投裔之軀三命更蕃併賦祝釐之廩望
不及此得之若驚中謝伏念臣賦資顓蒙聞道狷淺自
玷言語侍從之列期效論思獻納之忠而識闇不足以
周事情才疎不足以濟時用況卧疴之既久宜公論之
不容白簡霜嚴已甘大僇皇圖天廣特沛寬恩僅從三
禡之科姑寘五谿之表雖江連楚蜀無瘴鳶跼跼之憂
然地控蠻徭有暴虎兢兢之慮忽自天而有命俾便道

以過家盡復元階實踰始望況申榮於書殿又假寵於
祠宮事光流聞時謂翬見茲蓋恭遇皇帝陛下德侔覆
載知燭幽深憫臣斷斷無他昔有負薪之疾察臣慙慙
自守嘗輸曲突之忠粵從祭澤之游頌已動聖心之遐
軫上東朝之壽暉下春日之寬書肆命元臣式商大賚
臣誓堅晚節益勵後圖今為牛羊求牧芻已荷更生之
造未先狗馬填溝壑疇非報德之期

上皇太后表

東朝介壽式頒慶渥之新北闕疏榮盡復郎階之舊仍
通班於書殿併賦祿於殊庭拜命便蕃拊躬震悸中謝
伏念臣藐然末技奮自諸生先帝臨軒之初視恩首選
嗣皇謀廟之始待罪邇聯會有采薪之憂莫施橫草之
報連章累牘罔非由中華職要藩姑令補外自貽伊戚
以速厥辜奪爵投荒坐閱七年之久畀祠還秩忽驚一
札之頒得之若驚望不及此茲蓋恭遇壽明仁福慈睿
皇太后陛下飭躬慈儉迪德靜嘉昔著壺儀有求賢審


官之助今隆母道垂詒謀燕翼之仁念蠹茲罪戾之餘
亦曩者封培之一淹卹在外罪悔迄今乃因錫福之辰
特霽昭天之澤臣命輕螻蟻恩重丘山觀德化之成幸
數陪於癯老祝聖人之壽敢自附於華封

潼川路安撫到任謝表

王三錫命誤新渥於崇階國十為連忝舊封於梓部莫
俞巽牘敢後寅車臣某惶懼惶懼頓首頓首伏念臣才
不適時學惟事道際遇兩朝之久踐揚三紀之間為詩

遺王名曰鳴鵠本期救亂取彼譖人投畀豺虎遑恤傷
讒尚憑高廟之神靈敢賴天王之明聖返湘纍之初服
釋楚紮之南冠訖佯生還誓言死報矧又授鉞於赤甲
白鹽之下予麾於玉堂金壁之間猶未厭於宸心復游
頌於閭寄地連巴益分四千石虎竹之符江接牂渝理
十六載龜琴之夢維時多故厯變方新民夷有侏儒叢
雜之難齊郡國有赤子龍蛇之未定而民力張弓之莫
弛邊氛煽燎之方揚豈惟鵜在梁之羞抑亦蚕負山之

懼厥為忝冒實出會逢茲蓋恭遇皇帝陛下德歌九功
明見萬里暢皇威於海岱允矣東漸紆廟筭於岷嶓瞻
焉西顧謂南維之絕徼實北定之良圖念及微忠復加
隆委臣敢不修其可願欽乃攸司銷帶牛佩犢之風導
之務本堅使馬如羊之誓廉以安邊



鶴山集卷十三